

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1807776076 որոշումը բեկանելու և վարչական իրավախախտման վերաբերյալ գործը կարճելու մասին

<<07>> 06 2018թ. 17-4-49581 17-4-338 ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս վերանայելով Աշոտ Գևորգյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Աշոտ Գևորգյանը 06.04.2018թ-ին Ճանապարհային ոստիկանություն ներկայացրած 49581-18 դիմումով խնդրել է վարչական տույժ նշանակելու մասին թիվ 1807776076 որոշումը վերահացեագրել իրեն:

Նյութերի ուսումնասիրությամբ պարզվել է, որ OPEL մակնիշի 35QR794 հաշվառման համարանիշի տրանսպորտային միջոցի վարորդը 08.03.2018թ-ի ժամը 13:39-ին Երևան քաղաքի Արուսյան Կորյուն խաչմերուկում տրանսպորտային միջոցը տեղակայել է երկրորդ շարքում, որի համար վարչական իրավախախտումների վերաբերյալ ՀՀ օրենսգրքի 124 հոդվածի 1-ին մասի համաձայն, Վաչագան Հակոբյանը թիվ 1807776076 որոշումով տուգանվել է 5.000 դրամ:

Աշոտ Գևորգյանը դիմումին կցել է նաև իր վարորդական վկայականի պատճենը, ինչից ակնհայտ է, որ թիվ 1807776076 որոշումով արձանագրված խախտումը կատարելու պահին վերջինս ավտոմոբիլը վարել է ուժը կորցրած վարորդական վկայականով, ինչը պարունակում է վարչական իրավախախտումների վերաբերյալ ՀՀ օրենսգրքի 224-րդ հոդվածի 2-րդ մասով սահմանված զանցակազմ:

29.05.2018թ-ին Ճանապարհային ոստիկանության վարչական գործունեության բաժանմունքի պետի կողմից կազմվել է թիվ ԱԴ 220485 որոշումը, ըստ որի Աշոտ Գևորգյանը վարչական իրավախախտումների վերաբերյալ ՀՀ օրենսգրքի 128-րդ հոդվածի 4-րդ մասի համաձայն տուգանվել է 10000 դրամ:

Քանի որ, Աշոտ Գևորգյանը միաժամանակ կատարել է երկու վարչական իրավախախտում, ուստի վարչական իրավախախտումների վերաբերյալ ՀՀ օրենսգրքի 35 հոդվածի 2-րդ մասի համաձայն՝ եթե անձը կատարել է մի քանի վարչական իրավախախտումներ, որոնց վերաբերյալ գործերը միաժամանակ քննվում են նույն մարմնի (պաշտոնատար անձի) կողմից, տույժը նշանակվում է առավել լուրջ խախտման համար սահմանված սանկցիայի շրջանակներում:

Հաշվի առնելով այն հանգամանքը, որ 07.03.2018թ-ին արձանագրված ճանապարհային երթևեկության կանոնի խախտումը կատարվել է Աշոտ Գևորգյանի կողմից, որի համար վերջինս արդեն իսկ ենթարկվել է վարչական

պատասխանատվության՝ առավել լուրջ խախտման համար սահմանված սանկցիայի շրջանակներում, նույն խախտման համար Վաչագան Հակոբյանի անվամբ կայացված վարչական տույժ նշանակելու մասին թիվ 1807776075 որոշումը ենթակա է բեկանման:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1807776076 որոշումը բեկանել և վարչական իրավախախտման վերաբերյալ գործը կարճել:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակն ուղարկել Աշոտ Գևորգյանին(հասցեն՝ ք.Երևան, Նոր Նորք 7 զնգ. 52. 19բն. ., պատճենը՝ Վաչագան Հակոբյանին հասցեն՝ ք.Երևան Կոմիտասի պ. 54շ. 112բն.) և ՃՈ ՏՄՀԽԱ կենտրոն:

**ՀՀ ՃՈ պետ,
ոստիկանության գնդապետ**



Ե. Կարապետյան